

MIGRANTSKA PRIČA IZ VELIKE KLADUŠE

Udaljite ljude koji prave probleme, nas je sramota onoga šta oni rade

Migrantska kriza u Bihaću i Velikoj Kladuši, poprima sve veće oblike humanitarne katastrofe. Dok se na državnom nivou zajedno sa kantonalnim i općinskim prepiru oko toga ko je nadležan zbrinuti migrante i gdje oni trebaju biti izmješteni, nekoliko hiljada ljudi iz različitih zemalja Bliskog Istoka i Sjeverne Afrike, "zapele" je na putu do sanjane Evrope, baš u Unsko - sanskom kantonu. Osim što nadležne institucije nisu bile spremne na ovaj migrantski "udar", oni čak ni nekoliko mjeseci koliko traje priliv migranata u Bihać i Veliku Kladušu, gotovo nisu učinili ništa konkretno. A migranata je svakim danom sve više, evidentna su i počinjenja krivičnih djela od njihove strane, unatoč ogromnom zalaganju policijskih snaga na očuvanju javnog reda i mira.

U Velikoj Kladuši, u naselju Trnovi, u improviziranom kampu, boravi najmanje dvije stotine ilegalnih

migranata. Uvjeti u kojima su, iznimno su teški, neljudski. Bez adekvatnih sanitarnih čvorova, vode, električne energije, hrane. Na ulazu u kamp improvizirana ambulanta u kojoj prvu zdravstvenu pomoć migrantima, pruža navodno ekipa ljekara iz Španije.

Podjele među migrantima

U samom kampu, koji nije šatorsko naselje, došlo je do podjela među migrantima. Ukoliko uzmemo u obzir činjenicu da su iz različitih zemalja, jasno je da njihovi animoziteti postoje od ranije. Djeca, žene, kao i svi ostali, tu provode vrijeme, nadajući se da će ipak uspjeti doći do neke zemlje Zapadne Evrope. Tako je mislio i Ali Yasir, koji tvrdi da je novinar koji je nakon napada talibana u njegov grad u Pakistanu, morao pobjeći.

- Imao sam sve potrebne dokumente da dokažem svoj identitet, imao sam video



- Ali Yasir, tvrdi da je novinar iz Pakistana, koji je pobjegao zbog straha od talibanske osvete

ovdje i veoma mi je teško biti u ovakvim uvjetima. Ovdje stalno dolazi do sukoba sa različitim grupama migranata, koji nisu dobronamjerni. Volio bih da te ljude neko udalji od nas, jer mene je i sramota onoga što oni rade, ali strah da će napasti i mene, tvrdi Ali Yasir.

On je, kako je kazao, kao snimatelj radio u televizij-

snimke o brutalnom napadu talibana, sve što kažem o sebi jednostavno je za provjeriti. Želim da se moj glas čuje, ja nisam došao da ostanem

skoj kući Dunya TV u Pakistanu. Tri mjeseca je na putu do Italije, jer smatra da tamo može naći bolji život za sebe, bez straha od progona. Tvrdi i da je sve što je imao sa sobom, brutalno mu uz batine, oduzeto u Hrvatskoj kada je ilegalno pokušao doći do Italije.

- Dobio sam batine, to nije u redu. Zašto nas tuku? I mi smo ljudi. Moja poruka Evropskoj uniji bi bila da provjeri status svakog od nas koji se želi domoći neke zemlje zbog teških sigurnosnih problema koji nekima od nas prijete. Ja sam u opasnosti, jedino što želim je da odem odatud, jer nemam namjeru ostati u BiH, iako sam ovdje evo našao neke ljude koji su mi pomogli, ali ova zemlja ne može nositi ovaj teret, zato apeliram da se pomogne onima koji to i trebaju, kazao je Ali.

Ljudi velikog srca

Ali je dobio novi mobitel od premijera USK-a, Huseina

Rošića, tako da je nakon dužeg vremena uspio se javiti majci u Pakistanu. O njegovom boravku u Velikoj Kladuši sada su upoznate i neke organizacije, na kojima je da izvrše sigurnosne provjere oko njegovog identiteta, a onda poduzmu daljnje korake.

- Uspijem li ovo preživjeti i dođem li do Italije, želim o svemu napisati knjigu. U njoj će biti mjesta za sve te divne ljude koje sam na ovom teškom putu susreo. I dalje vjerujem u dobrotu u ljudima, ali isto tako apeliram da se poduzmu ozbiljni koraci na rješavanju statusa migranata, jer dolazi zima, a onda će nastati veliki problemi i za migrante ali i za lokalno stanovništvo. To treba spriječiti, kaže Ali dok je preuzimao svoj novi mobitel, strahujući da mu ga ovaj put neće oduzeti neko od članova različitih klanova sklopljenih u improviziranom kampu u naselju Trnovi u Velikoj Kladuši.

N.DŽ.N.



MEKTIĆ U VELIKOJ KLADUŠI

Općina protiv prijedloga o privremenom šatorskom naselju

Delegacija Općine Velika Kladuša nije saglasna sa prijedlogom ministra sigurnosti BiH Dragana Mektića da u mjestu Polje bude izgrađeno privremeno šatorsko naselje za ilegalne migrante.

Predsjednik Općinskog vijeća Velike Kladuše Fikret Bašić, koji je bio u delegaciji Općine koja se sastala sa Mektićem, izjavio je da je Mektić rekao da je EU spremna da finansira privremeno šatorsko naselje u mjestu Polje u Velikoj Kladuši do izgradnje migrantskog prihvatnog



centra u Medenom Polju, ali da povodom tog prijedloga ni-

je ništa konačno dogovoreno. - Nismo mogli da prihva-

timo prijedlog o formiranju privremenog šatorskog nase-

lja na području općine Velika Kladuša. Delegacija Općine nije mogla da preuzme na sebe odgovornost da smo saglasni sa tim prijedlogom, jer je Općinsko vijeće donijelo zaključke u kojima se traži izmještanje svih migranata sa područja općine Velika Kladuša. Mi ćemo u dogledno vrijeme održati Kolegij Vijeća o tom pitanju, rekao je Bašić.

Prema njegovim riječima, Mektić ih je informisao da će dio migranata, tačnije porodice sa djecom sa lokacije

koja se nalazi na jednoj livadi u općini Velika Kladuša biti izmješteni u Hotel "Sedra", u općini Cazin.

Bašić je rekao da na području Velike Kladuše trenutno boravi oko hiljadu ilegalnih migranata koji su smješteni u privremenom šatorskom naselju, u privatnim objektima.

- Nema velikih bezbjednosnih problema, ali ima informacija da se dešava da oni ulaze bez pitanja u objekte lica koja borave u inostranstvu, naglasio je Bašić.